

---

Votaziun dal pievel

# 23 da settember 2018

---

Emprim project

**Conclus federal davart las vias  
da velo sco er las vias e sendas  
da viandar**

---

Segund project

**Iniziativa dal pievel «Per  
victualias saunas sco er produ-  
cidas en moda ecologica e  
faira (Iniziativa da fair-food)»**

---

Terz project

**Iniziativa dal pievel «Per la  
suveranitad alimentara.  
L'agricultura pertutga nus tuts»**



Schweizerische Eidgenossenschaft  
Confédération suisse  
Confederazione Svizzera  
Confederaziun svizra



**Emprim project**

**Conclus federal davart las vias da velo sco er las vias e sendas da viandar (cuntraproposta directa tar l'iniziativa dal pievel «Per la promozion da las vias da velo e da las vias e sendas da viandar [Iniziativa per il velo]» ch'è vegnida retratga)**

Curtamain	→	4–5
Detagls	→	10
Arguments	→	14
Text da votaziun	→	18

**Segund project**

**Iniziativa dal pievel «Per vuctualias sauna sco er producidas en moda ecologica e fairo (Iniziativa da fair-food)»**

Curtamain	→	6–7
Detagls	→	20
Arguments	→	24
Text da votaziun	→	28

**Terz project**

**Iniziativa dal pievel «Per la suveranitad alimentara. L'agricultura pertutga nus tuts»**

Curtamain	→	8–9
Detagls	→	30
Arguments	→	34
Text da votaziun	→	38



Ils videos da la votaziun

[admin.ch/videos\\_rm](http://admin.ch/videos_rm)

## Curtamain

# Conclus federal davart las vias da velo sco er las vias e sendas da viandar

(cuntraproposta directa tar l'iniziativa dal pievel «Per la promozion da las vias da velo e da las vias e sendas da viandar [Iniziativa per il velo]» ch'è vegnida retratga)

### Situaziun da partenza

En bleras citads e vischnancas existan gia oz vias da velo<sup>1</sup>. Perquai che la mobilitad crescha dentant d'in cuntin, èsi raschunaivel da meglierar las raits da vias da velo: Las ciclistas ed ils ciclists gidan a distgargiar auters medis da transport. Cun ina buna rait da vias da velo po ultra da quai vegnir separà il traffic. Uschia èn ils autos, ils velos ed ils peduns main savens enta pes in a l'auter, ed accidents sa laschan evitar.

### Il project

Il Cussegl federal ed il parlament han perquai concludì da tractar las vias da velo da medema maniera giuridica sco las vias e las sendas da viandar. Per quest intent duai la Constituziun vegnir cumplettada correspontentamain. La Confederaziun duai fixar ils princips per las raits da vias da velo e survegnir competenzas per sustegnair e per coordinar mesiras dals chantuns e d'auters acturs a favur da vias da velo. Quai po ella per exemplu far cun agid da standards naziunals per vias da velo u cun metter a disposiziun geodatas per chartas e per apps. En quest connex respecta la Confederaziun la cumpetenza dals chantuns: Ella daventa activa mo per sustegnair ils chantuns e las vischnancas (princip da la subsidiaritad). Il conclus federal davart las vias da velo è ina cuntraproposta directa tar l'Iniziativa per il velo ch'è vegnida retratga.

<sup>1</sup> Sco vias da velo na valan betg mo vias e vials da velo, mabain tut las vias, tut las sendas e tut ils trajects ch'enrizzads per il traffic da velos.

Detagls	→	10
Arguments	→	14
Text da votaziun	→	18

Dumonda  
da votaziun

## Vulais Vus acceptar il conclus federal dals 13 da mars 2018 davart las vias da velo sco er las vias e sendas da viandar?

(cuntraproposta directa tar l'iniziativa dal pievel «Per la promozion da las vias da velo e da las vias e sendas da viandar [Iniziativa per il velo]» ch'è vegnida retratga)

Recumandazion  
dal Cussegl federal  
e dal parlament

## Gea

Tgi che va cun il velo procura per dapli piazza en ils trens, en ils bus ed en ils trams sco er per dapli spazi per ils autos. Ina rait da vias da velo buna e segira gida plinavant ad evitare accidents. Da quai profitan tuts. Perquai èsi raschunaivel che la Confederaziun possia sostegnair en l'avegnir ils chantuns en connex cun las vias da velo, sco che quai è il cas tar las vias e sendas da viandar.

 [admin.ch/cuntraproposta-iniziativa-velo](http://admin.ch/cuntraproposta-iniziativa-velo)


Punct da vista  
da la minoritad  
dal parlament

## Na

Ina minoritad dal parlament è da l'avis ch'il traffic da velos duai restar unicamain l'incumbensa dals chantuns e da las vischnancas. Quai saja sa cumprovà. La Svizra saja gia in pajais da velos. Sch'il traffic da velos survegnia dapli valur en la constituziun, saja ultra da quai previsibel ch'i resultian grondas obligaziuns finanzialas per la Confederaziun.

 [> chavazzins, fatschentas,... > 17.051 \(en tudestg\)](http://parlament.ch)

Votaziun en  
il Cussegl naziunal



Votaziun en  
il Cussegl dals  
chantuns



**Curtamain****Iniziativa dal pievel «Per victualias saunas sco er producidas en moda ecologica e faira (Iniziativa da fair-food)»****Situaziun da partenza**

Las victualias en Svizra èn da buna qualitad e segiras. La Constituziun federala sco er differentas leschas e cunvegna internaziunalas reglan detagliadament, co che las victualias ston vegnir producidas e sut tge cundiziuns ch'ellas dastgan vegnir importadas. Tras in nov artitgel constituziunal cumplessiv vulan las iniziantas ed ils iniziants da l'Iniziativa da fair-food rinforzar la purschida da victualias producidas en moda persistenta e faira en Svizra ed a l'exterior.

**Il project**

L'iniziativa da fair-food pretenda che la Confederaziun promovia victualias producidas en moda ecologica e faira sco er tenor ils basegns dals animals. Per quest intent duai ella far prescripcions per la producziun svizra. Quests standards duain da princip valair er per victualias importadas – per part stuess els vegnir realisads immediatament, per part pir pli tard. L'observaziun da questi standards stuess vegnir controllada, per exemplu a maun da controllas en Svizra ed a l'exterior. L'iniziativa pretenda er che la Confederaziun reduceschia ils effects negativs dal transport e dal deposit da victualias per l'ambient, ch'ella decreteschia prescripcions da declaraziun, prendia mesiras cunter il sguaz da victualias e promovia la producziun da victualias regiunalas e stagionalas.

Detagls	→	20
Arguments	→	24
Text da votaziun	→	28

Dumonda  
da votaziun

**Vulais Vus acceptar l'iniziativa dal pievel «Per victualias saunas sco er producidas en moda ecologica e faira (Iniziativa da fair-food)?**

Recumandaziun  
dal Cussegl federal  
e dal parlament

## Na

Per il Cussegl federal ed il parlament è l'iniziativa nuncessaria: La Svizra fa già bler per victualias segiras e producidas en moda persistenta. Ella dispona da las basas constituzionalas necessarias per rinforzar la purschida da talas victualias. L'iniziativa po ultra da quai chaschunar conflicts cun cunvegna internaziunalas, e la controlla fiss difficila.

 [admin.ch/iniziativa-fair-food](http://admin.ch/iniziativa-fair-food)

Recumandaziun  
dal comité  
d'iniziativa

## Gea


L'iniziativa vul promover meglier l'agricultura persistenta ed augmentar la qualitat da las victualias importadas. Ella procura che las victualias stagiunalas da la regiun hajan in avantatg sin il martgà, promova cundiziuns da laver gistas, reducescha il sguaz da victualias, rinforza il bainstar dals animals e meglierescha la protecziun da la natira.

 [fair-food.ch](http://fair-food.ch)

Votaziun en  
il Cussegl naziunal



Votaziun en  
il Cussegl dals  
chantuns



## Curtamain

# Iniziativa dal pievel «Per la suveranitad alimentara. L'agricultura pertutga nus tut»

### Situaziun da partenza

L'iniziativa dal pievel «Per la suveranitad alimentara. L'agricultura pertutga nus tut» è vegnida inoltrada l'onn 2016 d'in comité d'iniziativa che vegn purtà dal sindicat puril Uniterre. Per las iniziantas ed ils iniziants va la politica agrara da la Confederaziun en la faussa direcziun. Els crititgeschan ch'ils martgads vegnian averts pli e pli fitg e che la concurrenza naziunala ed internaziunala mettia uschia sut squitsch l'agricultura indigena. Plinavant na van els betg d'accord cun la diminuziun dal dumber da manaschis agriculs e da persunas occupadas en l'agricultura.

### Il project

L'iniziativa ha la finamira d'orientar la politica agrara tenor in'agricultura da purs pitschens, plitgunsch famigliara, sco er da promover in'agricultura persistenta e multifara che lavura senza tecnologia genetica. La Confederaziun duai en spezial procurar per pretschs da producziun gists e seguir entradas pli autas en l'agricultura. Products importads duain ademplir las normas socialas ed ecologicas che valan en Svizra. L'iniziativa porta intervenziuns statalas pli fermas e custs supplementars per las consumetas ed ils consuments sco er per las finanzas publicas. La Confederaziun stuess incassar dazis sin tscherts products u scumandar l'import da products; talas mesiras cuntrafan a las cunvegnas internaziunalas vertentes.

Detagls	→	30
Arguments	→	34
Text da votaziun	→	38

Dumonda  
da votaziun

## Vulais Vus acceptar l'iniziativa dal pievel «Per la suveranitad alimentara. L'agricultura pertutga nus tuts»?

Recumandaziun  
dal Cussegl federal  
e dal parlament

### Na

Tenor l'avis dal Cussegl federal e dal parlament donne-geschan intervenziuns statalas pli fermas l'economia agrara ed alimentara: Las victualias vegnan pli charas, ils pajataglia ston pajar las contribuziuns pli autas per l'agricultura ed ils manaschis purils perdan lur libertad d'agir.

 [admin.ch/suveranitad-alimentara](http://admin.ch/suveranitad-alimentara)

Recumandaziun  
dal comité  
d'iniziativa

### Gea


Las iniziantas ed ils iniziants vulan orientar la politica agrara tenor in'agricultura indigena da purs pitschens. Tenor els veggissan uschia producidas victualias che ademplissan las aspectativas da la populaziun envers la cumpatibilitad sociala ed ecologica.

 [ernährungssouveränität.ch](http://ernährungssouveränität.ch)  
 [uniterre.ch](http://uniterre.ch)

Votaziun en  
il Cussegl naziunal



Votaziun en  
il Cussegl dals  
chantuns



## Detagls

# Conclus federal davart las vias da velo sco er las vias e sendas da viandar

(cuntraproposta directa tar l'iniziativa dal pievel «Per la promozion da las vias da velo e da las vias e sendas da viandar [Iniziativa per il velo]» ch'è vegnida retratga)

### Il traffic da velos daventa pli e pli impurtant

Ir cun il velo vegn apprezià pli e pli fitg en Svizra. Var dus terzs da las chasadas possedan almain in velo. Blers van cun il velo durant il temp liber, adina pli savens dentant er en il mintgadi, per exemplu per ir a la lavur. Dapi ch'i dat velos electrics (e-bikes) è questa tendenza s'augmentada. Perquai ch'ils trens, ils bus ed ils trams èn savens plains durant las uras da traffic intensiv e perquai ch'igl è lura savens er streng per ils autos sin las vias, daventa il velo pli e pli impurtant.

### Vias da velo sco vias e sendas da viandar

Per augmentar la valur dal traffic da velos han pliras partidas e federaziuns lantschà l'onn 2015 l'Iniziativa per il velo. Quella aveva la finamira da francar en la Constituzion in'*obligazion* da promozion per la Confederaziun. Per il Cussegl federal e per il parlament gieva questa prescripziun lianta memia lunsch. Empè da quai han els concludi ina cuntraproposta directa. Quella dat a la Confederaziun la *pussaivladad* da sustegnair vias da velo. Vias da velo duain vegnir tractadas en l'avegnir da medema maniera giuridica sco las vias e sendas da viandar. L'artitgel constituzional respectiv, ch'exista dapi var 40 onns, duai vegnir cumplettà correspondentamain. Uschia survegn la Confederaziun l'incumbensa da fixar ils princips per las raits da vias da velo. Plinavant po ella sustegnair e coordinar mesiras dals chantuns e d'auters acturs sco er infurmarr davart raits da vias da velo. Sin fundament da la cuntraproposta directa ha il comité d'iniziativa retratg l'Iniziativa per il velo.

Debatta en il parlament	→	14
Arguments dal Cussegl federal	→	16
Text da votaziun	→	18

### Midadas en la Constituzion

Constituzion federala actuala	Constituzion federala cumplettada*
	
Art. 88 Cst. Sendas e vias da spasseggiar	Art. 88 Cst. <u>Sendas, vias da viandar e vias da velo</u>
<sup>1</sup> La Confederaziun fixescha ils princips per raits da sendas e vias da spasseggiar.	<sup>1</sup> La Confederaziun fixescha ils princips per raits da sendas, <u>da vias da viandar e da vias da velo</u> .
<sup>2</sup> Ella po sustegnair e coordinar mesiras dals chantuns per crear e mantegnair talas raits.	<sup>2</sup> Ella po sustegnair e coordinar mesiras dals chantuns <u>e da terzas personas</u> per crear e mantegnair talas raits <u>sco er concernent l'infurmaziun davart questas raits. En quest connex respecta ella las competenzas dals chantuns.</u>
<sup>3</sup> Ademplind sias incumbensas resguarda ella las raits da sendas e vias da spasseggiar e remplazza vias ch'ella ha d'eliminar.	<sup>3</sup> Ademplind sias incumbensas resguarda ella <u>talas raits</u> . <u>Ella</u> remplazza vias ch'ella ha d'eliminar.

\*tenor il conclus federal davart las vias da velo

### La Confederaziun davanta activa mo subsidiarmain


Tras la soluziun concludida dal parlament restan la planisaziun, la construcziun ed il mantegniment da las vias da velo er vinavant incumbensas dals chantuns e da las vischncas. La Confederaziun als vegn a sustegnair subsidiarmain. Sch'il conclus federal vegn acceptà, vegn il parlament a concretisar il proceder sin il stgalim da la lescha. Ins po partir dal fatg che la Confederaziun survegnia en l'avegnir las medemas incumbensas per las vias da velo sco fin ussa per las vias e sendas da viandar. Uschia vegn ella per exemplu ad elavurar er per las vias da velo datas e statisticas per l'entira Svizra, a sviluppar standards da qualitad e da segirezza ed a metter a disposiziun geodatas per chartas e per apps.

## Segirezza dal traffic

Il conclus federal davart las vias da velo rinforza las stentas da la Confederaziun d'augmentar la segirezza dal traffic. Il traffic da velos è l'unic sectur, nua ch'ils dumbers da persunas blessadas e mazzadas tar accidents èn s'augmentads dapi l'onn 2000 (cf. grafica). Quest augment è d'attribuir tranter auter al boom dad e-bikes, che permettan sveltezzas pli grondas. Cun separar il traffic – per exemplu cun vials da velo che han ina buna marcaziun u cun vias da velo ch'èn separadas architectoniamain – po vegnir augmentada la segirezza.

### Segirezza dal traffic

Persunas blessadas e mazzadas tar accidents da traffic



Exempel per leger: Dapi l'onn 2000 è il dumber da ciclistas e cyclists (incl. e-bikes) blessads e mazzads tar accidents da traffic s'augmentà per passa 27 pertschient, entant ch'il dumber da persunas ch'èn – sco passagieras e passagiers d'autos – vegnidias blessadas e mazzadas tar accidents da traffic è sa reduci per 34 pertschient.

Funtauna: Uffizi federal da vias (UVIAS)

## Consequenzas finanzialas

Tras l'augment da la valur dal traffic da velos e tras sias incumbensas colliadas cun quai resultan per la Confederaziun custs da previsiblament var 1,8 milliuns francs per onn.<sup>1</sup> Quests custs vegnan cumpensads entaifer il preventiv da l'Uffizi federal da vias.

### La rolla da la Confederaziun en connex cun las vias e sendas da viandar

Tar las vias e sendas da viandar sostegna la Confederaziun ils chantuns e las vischnancas dapi var 40 onns cun analisas, cun tools da planisaziun, cun standards sco er cun purschidas da cussegliaziun e da scolaziun. Uschia procura ella che passa 60 000 kilometers sendas da viandar vegnan mantegnids professiunalmain ed èn signalisads en moda unitara en l'entira Svizra.

Per las vias e sendas da viandar impunda la Confederaziun var 1,8 milliuns francs per onn. Questa summa è dapi onns constanta. La Confederaziun ed ils chantuns collavuran cun differentas federaziuns e fundaziuns che s'occupan da las vias e sendas da viandar. Latiers tutgan per exemplu la federaziun da tetg «Sendas svizras», la federaziun spezialisada «Mobilitad da peduns Svizra» e la fundaziun «SvizraMobilta».

<sup>1</sup> Missiva dal Cussegl federal dals 23 d'avust 2017 tar l'iniziativa dal pievel «Per la promozion da las vias da velo e da las vias e sendas da viandar (Iniziativa per il velo)» e tar la cuntraproposta directa (conclus federal davart las vias da velo sco er las vias e sendas da viandar); Fegl uffizial federal 2017 5901, qua 5917 ([✉ admin.ch > Bundesrecht > Bundesblatt](#)) (en tudestg).

## Debatta

## Parlament

Il parlament ha refusà l'Iniziativa per il velo, ha dentant approvà la cuntraproposta directa. La maioritat è stada da l'avis ch'i saja raschunaivel che la Confederaziun possia sustegnair en l'avegnir las vias da velo, sco che quai è il cas tar las vias e sendas da viandar. Quai gidia ad augmentar la segirezza dal traffic ed a distgargiar il traffic. Ina minoritat è stada da l'opiniun ch'il traffic da velos funcziunia gia oz bain. I na dettia nagins motivs d'intervegnir en la suveranitat dals chantuns. Perquai ha ella refusà er la cuntraproposta directa.

### Na a l'iniziativa, gea a la cuntraproposta

En il parlament era avant maun in vast consens davart il fatg ch'il velo saja – sper l'auto, il bus, il tram ed il tren – important per il traffic da persunas. Per tuttas duas chombras gieva l'Iniziativa per il velo dentant memia lunsch, perquai ch'ella vuleva intervegnir memia fitg en la cumpetenza dals chantuns e perquai ch'ella vuleva obligar la Confederaziun da promover il traffic da velos. Tant il Cussegl dals chantuns sco er il Cussegl naziunal han sustegnì la cuntraproposta directa dal Cussegl federal.

### Dubis federalistics e finanzials

Ina minoritat dal Cussegl naziunal ha refusà tant l'iniziativa dal pievel sco er la cuntraproposta. La raschun eran en spezial motivs finanzials e federalistics. I saja previsibel ch'i resultian grondas obligaziuns finanzialas supplementaras per la Confederaziun, sch'il traffic da velos survegnia dapli valur. La repartiziun da las incumbencias tranter la Confederaziun, ils chantuns e las vischnancias funcziunia dal rest bain: La Svizra saja gia in pajais da velos. La minoritat ha ultra da quai tratg en consideraziun che viadis cun l'auto na vegnian savens betg remplazzads tras viadis cun il velo. Gist sch'i plovia u sch'i saja fraid, gajia mo pauca glieud cun il velo. Ins na stoppia perquai betg far quint ch'i dettia dapli spazi per autos, sche las vias da velo vegnian meglieradas.


---

**Sa restrenscher  
a l'essenzial**

La maioritad ha percuter argumentà ch'i saja raschunaivel, sche la Confederaziun s'engaschia pli fitg per il traffic da velos. Sch'il traffic da velos survegnia dapli valur, gidia quai a mitigiar las situaziuns cun il pli bler traffic ed ad augmentar la segirezza dal traffic. Cun sa restrenscher a l'essenzial e cun respectar il federalissem saja la cuntraproposta directa la dretga resposta a l'Iniziativa per il velo. La Confederaziun vegnia a sa far valair mo subsidiarmain e respectia uschia la cumpetenza dals chantuns.

**Retratga suenter  
la debatta**

Suenter ch'il parlament ha già deliberà la cuntraproposta directa, ha il comité d'iniziativa retratg l'Iniziativa per il velo.

**Votaziun en  
il Cussegl naziunal****Votaziun en  
il Cussegl dals  
chantuns**

## Arguments

# Cussegl federal

En vista al fatg ch'il traffic crescha d'in cuntin, èsi raschunaivel che la Confederaziun sustegnia ils chantuns e las vischnancas en connex cun las vias da velo. Quai serva a la segirezza dal traffic e gida a distgargiar il tren, il bus ed il tram ed er puspè ad augmentar il spazi per il traffic d'autos. Da quai profita l'entira populaziun. Ir cun il velo schanegia ultra da quai l'ambient ed è bun per la sanedad. Il Cussegl federal sustegna il project en spezial per ils sustants motivs:

### Vias da velo gidan a dumagnar la mobilitad

Betg mo en ils trens, en ils bus ed en ils trams, mabain er per il traffic d'autos vegni savens stretg durant las uras da traffic intensiv. Perquai che la mobilitad en Svizra vegn a crescher er vinavant, vali la paina da nizzegiar meglier il potenzial dal traffic da velos. Quel n'è betg anc exaurì: Bunamain 80 per-tsclient da tut ils viadis cun il bus e cun il tram e mintga segund viadi cun l'auto èn pli curts che 5 kilometers. Meglra che la rait da vias da velo è, e pli attractiv ch'igl è da prender il velo per viadis pli curts.

### Evitar accidents

Ina buna rait da vias da velo gida ad augmentar la segirezza dal traffic. Quai è important, perquai ch'ils dumbers da ciclistas e ciclists blessads e mazzads tar accidents èn s'augmentads ils ultims onns. Nua ch'i dat vias da velo nuninterruttas ed il traffic vegn separà, èn ils autos, ils velos ed ils peduns main savens enta pes in a l'auter.

### Svilup tecnic e social

Il svilup tecnic promova il traffic da velos. Quai sa mussa tranter auter vi dal boom dals e-bikes. Quels permettan da superar distanzas pli grondas e d'arrivar svelt e senza difficultads a la destinaziun. Grazia a novs sistems d'emprestar velos – che han in access facil sur apps – pon velos plinavant vegnir duvrads svelt e nuncumplitgadamain. En bleras citads ed aglomeraziuns survegn uschia il traffic da velos adina dapli impurtanza. Perquai vali la paina da s'engaschar pli fitg per vias da velo.

---

**Ni canera ni svapurs**

Ir cun il velo schanegia l'ambient: Tgi che va cun il velo empè cun l'auto u cun il traffic public, reducescha il consum d'energia e las emissiuns da CO<sub>2</sub>. Il traffic da velos na chaschuna ultra da quai ni canera ni svapurs. E tgi che va cun il velo, sa mova. Quai è bun per la sanadad.

**Il turissem promova il traffic da velos**

Ir cun il velo è apprezià sco activitatad da sport e da temp liber e daventa pli e pli important er per il turissem svizzer. Bleras citads e regiuns da vacanzas promovan perquai purschidas per excursiuns cun il velo e per turas da mountainbike. Per quest intent dovri bunas vias da velo.

**Per vias da velo segiras ed attractivas**

Perquai che la mobilitad crescha d'in cuntin, èsi raschunai-vel che la Confederaziun s'engashia per las vias da velo. Tras il conclus federal davart las vias da velo po ella sustegnair en moda cumprovada las lavurs dals chantuns e da las vischnancas – e gidar uschia a render las vias da velo segiras ed attractivas. Da quai profita l'entira populaziun.

**Recumandazion dal Cussegl federal e dal parlament**

Per tut questi motivs recumondan il Cussegl federal ed il parlament d'acceptar il conclus federal davart las vias da velo sco er las vias e sendas da viandar.

# Gea

 [admin.ch/cuntraproposta-iniziativa-velo](http://admin.ch/cuntraproposta-iniziativa-velo)

# §

## Text da votaziun

**Conclus federal davart las vias da velo sco er las vias e sendas da viandar (cuntraproposta directa tar l'iniziativa dal pievel «Per la promozion da las vias da velo e da las vias e sendas da viandar [Iniziativa per il velo]» dals 13 da mars 2018)**

*L'Assamblea federala da la Confederazion svizra,*

sa basond sin l'artitgel 139 alinea 5 da la Constituzion federala<sup>1</sup>,

suenter avair examinà l'iniziativa dal pievel «Per la promozion da las vias da velo e da las vias e sendas da viandar (Iniziativa per il velo)» ch'è vegnida inoltrada il 1. da mars 2016<sup>2</sup>,

suenter avair gi invista da la missiva dal Cussegl federal dals 23 d'avust 2017<sup>3</sup>,

*concluda:*

### I

La Constituzion federala vegn midada sco suonda:

*Art. 88 Sendas, vias da viandar e vias da velo*

<sup>1</sup> La Confederazion fixescha ils princips per raits da sendas, da vias da viandar e da vias da velo.

<sup>2</sup> Ella po sostegnair e coordinar mesiras dals chantuns e da terzas persunas per crear e mantegnair talas raits sco er concernent l'infurmazion davart questas raits. En quest connex respecta ella las cumpetenzas dals chantuns.

<sup>3</sup> Ademplind sias incumbensas resguarda ella talas raits. Ella remplazza vias ch'ella ha d'eliminar.

### II

Questa cuntraproposta vegn puttamesa a la votaziun dal pievel e dals chantuns. Ella vegn puttamesa a la votaziun dal pievel e dals chantuns tenor la procedura previsa en l'artitgel 139b da la Constituzion federala, ensemen cun l'iniziativa dal pievel «Per la promozion da las vias da velo e da las vias e sendas da viandar (Iniziativa per il velo)», nun che quella vegnia retratga.

<sup>1</sup> CS 101

<sup>2</sup> Fegl uffizial federal 2016 1791

<sup>3</sup> Fegl uffizial federal 2017 5901



**Detagls****Iniziativa dal pievel «Per  
victualias sauna sco er  
producidas en moda ecologica  
e faira (Iniziativa da fair-food)»**

Arguments dal comité d'iniziativa	→	24
Arguments dal Cussegl federal	→	26
Text da votaziun	→	28

## Situaziun da partenza

La Svizra producescha sezza var la mesadad da ses basegn da vzialias.<sup>1</sup> Questas vzialias ston ademplir pretensiuns severas, per exempl p'regarding la segirezza, p'regarding la qualitad ed p'regarding la persistenza.<sup>2</sup> L'import da vzialias ha la Svizra regla en differentas leschas ed en cunvegna internaziunalas. L'Iniziativa da fair-food pertutga la producziun da vzialias en Svizra ed a l'exterior. Cun l'iniziativa duai il sectur da vzialias vegnir regla en moda cumplessiva en la Constituziun federala.

## Intent da l'iniziativa

L'Iniziativa da fair-food incumbensescha la Confederaziun da rinforzar la purschida da vzialias ch'en da buna qualitad e segiras. La producziun sto esser ecologica e schanegiar las resursas sco er resguardar ils basegns dals animals e vegnir realisada sut relaziuns da lavur fairas. Las disposiziuns ch'en necessarias per realisar l'iniziativa vegnan decretadas dal parlament e dal Cussegl federal. Sche l'iniziativa vegniss acceptada, avessan els 3 onns temp per quai.

## Differentas mesiras

L'iniziativa numna ina retscha da mesiras per cuntanscher las finamiras. Da quellas fan part ina declaraziun precisa da las vzialias, la reducziun dals dazis per tschartas vzialias e l'obligaziun da la branscha da vzialias da perseguitar tschartas finamiras ecologicas e socialas. Latiers tutgan er il cumbat cunter il sguaz da vzialias (food waste) e la promozion da products stagiunals da la regiun. Ultra da quai duain vegnir reducids ils effects negativs dal transport e dal deposit da vzialias e da Pavel sco er schanegia l'ambient.

1 L'onn 2015 ha il grad d'autoprovediment da la Svizra importa 51 %. Funtauna: Bilantscha da vzialias Agristat, citada (en tudestg) sut: Uffizi federal da statistica, producziun da vzialias ([<img alt="link icon" style="vertical-align: middle; height: 1em; width: 1em;"/> bfs.admin.ch > Statistiken finden > Querschnittsthemen > Monitoring der Legislaturplanung > Nahrungsmittelproduktion](http://bfs.admin.ch)).

2 Fegliet infurmativ davart ils standards svizzers e davart las activitads en il sectur da l'Iniziativa da fair-food (en tudestg) sut: [<img alt="link icon" style="vertical-align: middle; height: 1em; width: 1em;"/> blv.admin.ch > Lebensmittel und Ernährung > Fair-Food-Initiative > Weitere Informationen «Im Detail»](http://blv.admin.ch).

**Prescripcions svizras per imports**

Per l'import fixescha l'iniziativa ina regla generala: Victualias agriculas betg elavuradas u elavuradas mo levamain che vegnan producidas a l'exterior duain correspunder a las prescripcions svizras. Uschia na dastgan per exempl ovs e charn da tegnidas industrialas d'animals en massa betg pli vegnir importads. Per victualias elavuradas pli ferm u cumpionidas, sco pizza schelentada u pastas, sco er per pavel duain valair a lunga vista las medemas prescripcions. Per tscherts products sco charn cascheruta u charn halal fissi pussaivel da far excepcions.

**Controlla da las prescripcions svizras**

La Confederaziun stuess garantir che las victualias importadas ed il pavel importà correspundian a las prescripcions svizras, per exempl tras controllas. Quellas stuessan vegnir permessas ed er realisadas en il pajais da derivanza corrispondent. La laver ch'è colliada cun quai pudess chaschunar en Svizra pretschs pli auts per victualias.

**Relaziun tar cunvegnas internaziunalas**

Pervia da las prescripcions pli severas er per victualias importadas pudessan resultar conflicts cun obligaziuns da la Svizra envers l'Uniun europeica (UE), envers l'Organisaziun mondiala da commerzi (WTO) ed envers stadis, cun ils quals la Svizra ha fatg cunvegnas da commerzi liber. L'element central da questas cunvegnas è il scumond da tractar products d'import en autra moda ch'ils products indigens, sch'els na sa differenze-schan betg fisicamain in da l'auter. Sch'in stadi vul sa distanziar da quest scumond, valan autas pretensiuns.<sup>3</sup>

<sup>3</sup> Fegliet infurmativ davart las obligaziuns internaziunalas da la Svizra en il sectur da l'Iniziativa da fair-food (en tudestg) sut:  
 blv.admin.ch > Lebensmittel und Ernährung > Fair-Food-Initiative > Weitere Informationen «Im Detail».



## Arguments

# Comité d'iniziativa

**Gea a vinternalias saunas, producidas en moda persistenta.**

Vinternalias duain vegnir producidas en accordanza cun il bain dals animals e cun l'ambient e sut condizioni da lavour gistas. Quai giavischian las consumertas ed ils consumenti. L'Iniziativa da fair-food promova l'agricultura persistenta en Svizra. Al Cussegl federal dat ella dentant er instruments per megliorar la qualitad da vinternalias importadas. Products che derivan d'in commerzi gist e da manaschis purils da famiglia duain vegnir favurisads.

### Pli gronda pur-schida da bunas vinternalias

Grazia a l'Iniziativa da fair-food crescha la porschida da vinternalias ch'en da buna qualitad e che vegnan producidas en moda ecologica, tenor ils basegns dals animals e sut condizioni da lavour gistas. Da quai profitan tuts: ils animals, l'ambient ed il clima, las consumertas ed ils consumenti, las puras ed ils purs.

### Commerzi gist empè da commerzi liber

Mo cun in'agricultura ecologica essan nus buns da manteignair las basas da viver naturalas. Bunamain la mesedad da las vinternalias e dal Pavel en Svizra vegn oz importada. Empè d'in commerzi liber senza limitas dovrà ina strategia da qualitad er per ils imports. Il commerzi global cun vinternalias na dastga betg avair lieu sin donn e cust dal bain dals animals, da l'ambient u da l'agricultura purila. Las consumertas ed ils consumenti vulan mangiar e giudair cun buna conscientia. E quai independentamain dal fatg, sche las vinternalias derivan da la Svizra u da l'exterior.

---

## **Tegnair ils animals tenor ils basegns da las spezias**

Ina tegnida d'animals che resguarda ils basegns da las spezias ha in grond sustegn en Svizra. Tuttina hai adina dapli ovs importads e dapli charn da tegnidas industrialas d'animals en massa sin las curunas – e quai senza infurmazion transparenta! L'Iniziativa da fair-food meglierescha la decleraziun, per che las consumentas ed ils consumenti hajan la libertad da tscherner. Ed ella fa fin cun vichtualias che vegnan producidas cun maltrectar animals.

## **Bunas vichtualias per pretschs gists**

Las puras ed ils purs duain survegnir in pretsch adequat per lur products. L'iniziativa promova la commerzialisaziun da vichtualias producidas sin plau regiunal. Las vichtualias na daventan dentant betg pli charas, mabain pli frestgas e pli saunas. L'iniziativa cumbatta plinavant cunter il sguaz da vichtualias. Oz vegn bittà davent var in terz da las vichtualias, p.ex. perquai ch'il termin da scadenza è memia curt u perquai ch'i valan normas absurdas (grondezzas da standard). Tgi ch'evitescha «food waste», spargna al dretg lieu.

## **Betg dapli, mabain meiglas reglas**

L'Iniziativa da fair-food sa basa sin mesiras ed instruments cumprovads e na chaschuna betg dapli, mabain meiglas reglas. Ella po vegnir realisada senza surpassar obligaziuns internaziunalas.

## **Recumandaziun dal comité d'iniziativa**

Mangiar saun e fair: Votai GEA per l'Iniziativa da fair-food!

# Gea

 [fair-food.ch](http://fair-food.ch)

## Arguments

# Cussegl federal

**En Svizra valan auts standards per victualias, e la Confederaziun s'engascha gia oz tant sin plaun naziunal sco er internaziunal per victualias segiras d'auta qualitat. Pervia da quai resguarda il Cussegl federal ina nova disposiziun constituziunala sco nunnecessaria, er sch'el sostegna da princip ils interess da l'iniziativa. Ultra da quai stat l'iniziativa en conflict cun convenziuns internaziunalas ed ella na fissa strusch realisabla. Il Cussegl federal refusa l'Iniziativa da fair-food cunzunt per ils sustants motivs:**

### Pretensiuns giusso autas

Per la producziun indigena da victualias valan autas pretensiuns. Uschia pretendan la Constituziun federala e la Lescha d'agricultura ch'il svilup da l'agricultura saja socialmain cumpatibel ed ecologic. Ultra da quai obligecheva in nov artitel constituziunala la Confederaziun da resguardar la persistenza en las relaziuns commerzialas internaziunalas e d'agir cunter il sguaz da victualias; il pievel ed ils chantuns han acceptà l'atun 2017 questas novas disposiziuns cun gronda maioritad.<sup>4</sup> Er cun il plan d'acziun «Economia verda» ed en il rom da l'Agenda 2030 da la ONU per in svilup duraivel s'engascha la Svizra per che las resursas natiralas vegnian utilisadas cun respect en Svizra ed a l'exterior.<sup>5</sup>

### Conflict cun cunvegnas internaziunalas

L'iniziativa pretenda ch'ils standards svizzers valian da princip er per victualias importadas. Quai stgaffiss novs problems, pertge che questas prescripziuns pudessan provocar conflicts cun cunvegnas da commerzi. Sche la Svizra stgaffescha unilateralmain barrieras commerzialas, periclitesccha ella ils avantatgs da questas cunvegnas, per exemplu l'access pli simpel a martgads internaziunals.

<sup>4</sup> Il pievel ed ils chantuns han acceptà ils 24 da sett. 2017 la cuntraposta tar l'Iniziativa «Per la segirezza alimentara» cun 78,7 % vuschs affirmativas; Fegl uffizial federal 2017 7829 ([admin.ch > Bundesrecht > Bundesblatt](#)) (en tudestg).

<sup>5</sup> Infurmaziuns davart il plan d'acziun «Economia verda» sut: [uvek.admin.ch > Umwelt > Grüne Wirtschaft](#); infurmaziuns davart l'Agenda 2030 sut: [eda.admin.ch/agenda2030](#) (tut questas infurmaziuns en tudestg).

---

**Controlla difficila  
a l'exterior**

Da realisar las prescripcions minimalas per victualias importadas fiss fitg difficil. I stuess vegnir controllà en il pajais da derivanza, sut tge cundiziuns che las victualias vegnan producidas. Ils custs per questas controllas pudessan render pli charas las victualias. Quai tutgass tant las consumentas ed ils consuments sco er l'economia. Ultra da quai pudessan las prescripcions pli severas per imports restrenscher la schelta da victualias en Svizra.

**La Constituziun  
basta**

Il Cussegl federal vul – sco l'iniziativa – promover en Svizra ed a l'exterior victualias producidas en moda persistenta e faira. Per quest intent bastan las disposiziuns vertentas. In nov artitgel constituziunal n'è betg necessari.

**Recumandazion  
dal Cussegl federal  
e dal parlament**

Per tut quests motivs recumondan il Cussegl federal ed il parlament da refusar l'iniziativa dal pievel «Per victualias saunas sco er producidas en moda ecologica e faira (Iniziativa da fair-food)».

# Na

 [admin.ch/iniziativa-fair-food](http://admin.ch/iniziativa-fair-food)

# §

# Text da votaziun

## Conclus federal davart l'iniziativa dal pievel «Per victualias saunas sco er producidas en moda ecologica e faira (Iniziativa da fair-food)» dals 16 da mars 2018

*L'Assamblea federala da la Confederaziun svizra,*

sa basond sin l'artitgel 139 alinea 5 da la Constituziun federala<sup>1</sup>, suenter avair examinà l'iniziativa dal pievel «Per victualias saunas sco er producidas en moda ecologica e faira (Iniziativa da fair-food)» ch'è vegnida inoltrada ils 26 da november 2015<sup>2</sup>, suenter avair gì invista da la missiva dal Cussegl federal dals 26 d'october 2016<sup>3</sup>, *concluda:*

### Art. 1

<sup>1</sup> L'iniziativa dal pievel dals 26 da november 2015 «Per victualias saunas sco er producidas en moda ecologica e faira (Iniziativa da fair-food)» è valaivla e vegn puttamesa a la votaziun dal pievel e dals chantuns.

<sup>2</sup> L'iniziativa ha il suandard text:

La Constituziun federala vegn midada sco suonda:

#### *Art. 104b<sup>4</sup>      Victualias*

<sup>1</sup> La Confederaziun rinforza la purschida da victualias ch'èn da buna qualitat e segiras e che vegnan producidas en moda ecologica, cun schanegiar las resursas, tenor ils basegns dals animals e sut cundiziuns da lavour fairas. Ella fixescha las pretensiuns a la producziun ed a l'elavuraziun.

<sup>2</sup> Ella garantescha che products agriculs importads, che vegnan duvrads sco victualias, adempleschan da princip almain las pretensiuns tenor l'alinea 1; per victualias elavuradas pli ferm e cumponidas sco er per pavel prenda ella en egl questa finamira. Ella subvenziunescha products importads che derivan d'in commerzi fair e da manaschis purils che cultiveschan il terren.

<sup>1</sup> CS 101

<sup>2</sup> Fegl uffizial federal 2015 9333

<sup>3</sup> Fegl uffizial federal 2016 8391

<sup>4</sup> L'iniziativa dal pievel pretendeva d'introducir questa disposizion sco art. 104a en la Constituziun federala. Perquai che l'art. 104a (segirezza da victualias) è entrà en vigur en il fratemps, survegn la disposizion (victualias) proponida cun la «Iniziativa da fair-food» il numer d'artitgel 104b; questa adattazion è resguardada en l'entir conclus federal. Il numer definitiv da quest artitgel vegn fixà da la Chanzlia federala suenter la votaziun dal pievel; en quest connex coordinescha ella la numeraziun cun las ulteriuras disposizions vertentes da la Constituziun federala e fa las adattaziuns necessarias en tut il text da l'iniziativa.

---

## §

<sup>3</sup> Ella procura ch'ils effects negatifs dal transport e da la magasinaziun da vuctualias e da pavel per l'ambient e per il clima vegnian reducids.

<sup>4</sup> Ella ha spezialmain las suandardas cumpetenzas ed incumbensas:

- a. Ella relascha prescripcziuns davart l'admissiun da vuctualias e da pavel e davart la decleraziun da lur moda da producziun e d'elavuraziun.
- b. Ella po reglar la concessiun da contingents da duana e graduar ils dazis d'import.
- c. Ella po far cunvegnas da finamiras liantas cun la branscha da vuctualias, en spezial cun importaders e cun il commerzi en detagl.
- d. Ella promova l'elavuraziun e la commerzialisaziun da vuctualias producidas en moda regionala s stagjunalala.
- e. Ella prenda mesiras per limitar il sguaz da vuctualias.

<sup>5</sup> Il Cussegħ federal fixescha finamiras a media ed a lunga vista e fa regularmain in rapport che mussa, quant enavant che las finamiras èn vegnidas cuntanschidas. Sche questas finamiras na vegnan betg cuntanschidas, prenda ella mesiras supplementaras u rinforza las mesiras existentas.

*Art. 197 cifra 12<sup>5</sup>*

*12. Disposiziun transitorica tar l'artitgel 104b (vuctualias)*

Sche nagina lescha executiva n'entra en vigur entaifer 3 onns suenter l'acceptaziun da l'artitgel 104b tras il pievel e tras ils chantuns, decretescha il Cussegħ federal las disposiziuns executivas en in'ordinaziun.

**Art. 2**

L'Assamblea federala recumonda al pievel ed als chantuns da refusar questa iniziativa.

<sup>5</sup> La cifra definitiva da questa disposiziun transitorica vegn fixada da la Chanzlia federala suenter la votaziun dal pievel.

**Detagls****Iniziativa dal pievel «Per la suveranitad alimentara. L'agricultura pertutga nus tut»**

Arguments dal comité d'iniziativa	→	34
Arguments dal Cussegl federal	→	36
Text da votaziun	→	38

## Situaziun da partenza

La noziun «suveranitad alimentara» è vegnida creada d'in moviment internaziunal da puras e purs a chaschun da la conferenza mundiala da l'alimentaziun l'onn 1996. Manegià è il dretg da tut ils pievels, pajais e gruppas da pajais da decider sezs lur politica agrara e d'alimentaziun, senza donnegiar cun quai outras regiuns. L'Iniziativa dal pievel «Per la suveranitad alimentara. L'agricultura pertutga nus tuts», iniziada dad Unerterre ed inoltrada l'onn 2016, sa basa sin questa definiziun. Per las iniziantas ed ils iniziants va la politica agrara da la Confederaziun en la faussa direcziun; ellas ed els collian il dretg d'autodeterminaziun cun la pretensiun d'ina intervenziun pli gronda dal stadi en l'agricultura ed en ils martgads agrars.

## Augment dal dumber da persunas occupadas

Il comité d'iniziativa pretendia ch'il dumber da persunas che lavuran en l'agricultura vegnia augmentà. L'onn 2017 eran circa 150 000 persunas activas en l'agricultura en Svizra (mainagestius, forzas da lavur da l'atgna famiglia e betg da l'atgna famiglia)<sup>1</sup>, en l'industria ed en il sectur da servetschs eran quai tut en tut circa 5 milliuns persunas.<sup>2</sup> Per augmentar il dumber da las persunas occupadas en l'agricultura duvrassi ina intervenziun dal stadi. Ils custs che resultan da quai stuessan vegnir surpigliads dal stadi.

## Las medemas condiziuns da lavur en tut la Svizra

L'iniziativa pretendia che las relaziuns da lavur da las persunas occupadas en l'agricultura vegnian regladas en moda unitara en tut la Svizra. Questas condiziuns èn ozendi differentas, e quai oravant tut perquai ch'ils custs da viver en ils chantuns varieschan fermamain. Las condiziuns da lavur ed ils temps da lavur per persunas emploiaidas en l'agricultura èn ozendi regladas chantunalmain. Sche l'iniziativa vegniss acceptada, vegnissan decretadas normas che valan per tut la Svizra.

<sup>1</sup> Uffizi federal da statistica, enquista da structura per l'agricultura 2017 ([bfs.admin.ch](http://bfs.admin.ch) > Statistiken finden > Land- und Forstwirtschaft > Landwirtschaft > Strukturen) (en tudestg).

<sup>2</sup> Uffizi federal da statistica, persunas occupadas ([bfs.admin.ch](http://bfs.admin.ch) > Statistiken finden > Industrie, Dienstleistungen > Unternehmen und Beschäftigte > Beschäftigungsstatistik > Beschäftigte) (en tudestg).

**Normas svizras  
er per products  
importads**

Da la Confederaziun pretenda l'iniziativa da procurar che las normas socialas ed ecologicas che valan en Svizra valian er per ils products importads. Questa pretensiun pudess vegnir realisada cun incassar dazis u cun decretar scumonds d'import, quai che cuntrafaschess a cunvegnaas internaziunalas vertentas.

**Pretschs gists**

Tenor l'iniziativa duai la Confederaziun svizra garantir la transparenza dal martgà e s'engaschar ch'i vegnian fixads pretschs gists. Per proteger ils pretschs da producziun indigens vegnan oz incassads dazis e fixads contingents d'import. Ultra da quai retschertga e publitgescha la Confederaziun ils pretschs da differenta rauba tar producents, elavuraturs ed en il commerzi en detagl, per ch'i dettia ina transparenza dals custs pli gronda. L'iniziativa pretenda da la Confederaziun regulaziuns che van anc pli lunsch.

**Scumond general  
da la tecnica  
genetica**

L'iniziativa vul scumandar en general l'utilisaziun d'organisems modifitgads geneticamain (OMG) en l'agricultura svizra. La cultivaziun da OMG è ozendi permessa mo per intents da perscrutazion. Uschiglio vala l'uschenumnà moratori genetic ch'è gia vegni prolungà traïs giadas dal parlament. La prolungaçion dal moratori fin l'onn 2021 duai pussibilitar ina discussiun seriusa e materiala davart in'eventuala utilisaziun dad OMG en l'agricultura svizra.



## Arguments

# Comité d'iniziativa

Nossa iniziativa promova in'agricultura purila indigena ch'è rentabla e multifara, che producescha vinctualias saunas per la populaziun e che tegna a medem temp quint da las aspectativas socialas ed ecologicas. La populaziun vegn infurmada en moda transparenta davart dumondas dal nutriment e sensibilisada per quai. Nossa iniziativa prenda per mauns sfidas existentes: Producir vinctualias da buna qualitad, stgaffir plazzas da lavur rentablas, reducir la midada dal clima e proteger las resursas naturalas.

### Basas da producziun multifaras

Entaifer 30 onns èn svanids 35 000 bains purils e 100 000 plazzas da lavur en l'agricultura èn idas a perder. En in sistem resilient dovri numerus manaschis agriculs da differentas grondezzas che porschan ina perspectiva per il futur a persunas giuvnas. Nus stuain promover differentas metodas da producziun (bio, producziun integrada) e differents products (latg, graun, fritga, verdura, charn e.u.v.) e dar uschia la libertad da tscherner a la populaziun. Ils animals duain vegnir pavlads en emprima lingia cun erva e cun plantas da pavel indigenas; la dependenza da soja e da tirc d'ultramar sto vegnir reducida. Da gronda impurtanza è l'access ad avunda terren d'auta qualitad; perquai sto vegnir rinforzada la proteczion da las surfatschas cun culturas alternantas. La semenza, la basa per la vita, sto esser accessibla a las puras ed als purs; las grondas interpresas da semenza na dastgan betg s'appropriar da tala. Ed igl è ura e temp da fixar che l'agricultura svizra sa exister senza OMG.

---

## Martgà equilibrà e rentabel

La relaziun da pussanza envers ils elavuraturs ed envers ils distributurs n'è betg equilibrada. La posiziun da las puras e dals purs en tractativas sto vegnir rinforzada; quai è important en spezial per che las quantitads producidas correspundian als basegns da la populaziun e per che surplis structurals vegnian evitads. Sin il martgà ed en cas da la furmaziun dals pretsch sto esser garantida transparenza, per che tut ils acturs per lung da la chadaina da valurisaziun vegnian indemnisauds correctamain, senza ch'ils pretschs da consum s'augmentian. La commerzialisaziun regiunala permetta da pudair eruir meglier la derivanza dals products e da reducir ils transports; quai stgaffescha plazzas da lavur en territoris rurals (manaschis commerzials, interpresas pitschnas e mesaunas [IPM]).

## Commerzi global gist

L'iniziativa na vul serrar en nagin cas ils cunfins. Anzi, ella vul preservar il dretg da duvrar quels sco instrument per regular il commerzi mundial sin basa da standards socials ed ecologics. En questa direcziun va il scumond da subvenziuns publicas per l'export, perquai che quai fa donn a l'agricultura en auters pajais.

## Recumandaziun dal comité d'iniziativa

Perquai recumonda il comité d'iniziativa:

# Gea

-  ernährungssouveränität.ch
-  uniterre.ch

## Arguments

# Cussegli federal

L'Iniziativa dal pievel «Per la suveranitat alimentara. L'agricultura pertutga nus tuts» pretendia ina politica agrara che intervegn pli ferm en ils martgads ed en las structuras. Sche l'iniziativa vegniss acceptada, vegnissan engrevgiadas las relaziuns economicas internaziunalas sco er chaschunads gronds custs per la populaziun. Ultra da quai indebliss ella la competitivitat da l'economia svizra d'agricultura e da nutriment. Il Cussegli federal refusa l'iniziativa dal pievel cunzunt per ils sustants motivs:

### Regress empè da progress

L'iniziativa dal pievel va en direcziun d'ina politica sco ch'ella è vegnida fatga fin il cumenzament dals onns 1990. Ella ruinass las prestaziuns da la politica agrara dals ultims 25 onns – en quest temp è l'agricultura vegnida orientada pli fitig vi dal martgà. Giavischs centrals da la societad che concernan l'ecologia ed il bain dals animals èn gia realisads. Questa direcziun da la politica è vegnida confermada cleramain avant 1 onn cun acceptar la cuntraproposta tar l'Iniziativa dal pievel «Per la segirezza alimentara».<sup>3</sup>

### Custs pli auts per tuts

L'Iniziativa per la suveranitat alimentara chaschunass custs supplementars per il maun public. Vitiers vegn in augment dals pretschs da products agriculs per las chasadas, en emprima lingia chaschunà da dazis pli auts. Sco consequenza s'augmentass il turissem da cumpra, e la dumonda da victualias indigenas sa reduciss.

### Restricziuns da commerzi per l'agricultura

La pretensiun che tut ils imports da products agriculs e da victualias agriculas ston satisfar a las prescripziuns socialas ed ecologicas che valan en Svizra, cuntradi a la politica internaziunala da commerzi. Quai restrensches fermamain il commerzi cun bains agriculs ed uschia la libra tscherna da las consumentas e dals consuments.

<sup>3</sup> Il pievel ed ils chantuns han acceptà ils 24 da sett. 2017 la cuntraproposta tar l'Iniziativa «Per la segirezza alimentara» cun 78,7 % vuschs affirmativas; Fegl uffizial federal 2017 7829 ([☒ admin.ch > Bundesrecht > Bundesblatt](#)) (en tudestg).

---

## **Dischavantatgs per tut l'economia**

Consequenzas pussaivlas da l'iniziativa fissan cuntramesiras da noss partenaris da commerzi esters. Quai chaschunass dischavantatgs per tut ils secturs economics, en spezial per las branschas orientadas a l'export. Tras quai fissan periclitadas plazzas da lavur e la bainstanza en Svizra.

## **Giavischs gia ademplids**

Tschertas pretensiuns da l'iniziativa èn gia antiquadas: L'Organisaziun mundiala da commerzi (WTO) ha decidi l'onn 2015 da scumandar il subvenziunament da l'export da products agriculs; la Svizra ratifitgescha quest scumond l'onn 2019. Er cun la basa constituziunala actuala èsi gia pussaivel da proteger efficaziamain il terren cultivà. Per meglierar il bainstar dals animals èn er gia vegnididas realisadas mesiras.

## **Consequenzas charas**

Las pretensiuns èn er nunrealisticas – per exemplu, sch'i sa tracta da controllar las cundiziuns da producziun a l'exterior. Ultra da quai cuntradi l'iniziativa a las stentas dal Cussegli federal e dal parlament da preparar l'agricultura per l'avegnir. Sche l'iniziativa vegniss acceptada, vegniss quai fatg sin donn e cust da tuts – inclusiv da las puras e dals purs.

## **Recumandaziun dal Cussegli federal e dal parlament**

Per tut quests motivs recumondan il Cussegli federal ed il parlament da refusar l'Iniziativa dal pievel «Per la suveranitat alimentara. L'agricultura pertutga nus tuts».

# Na

 [admin.ch/suveranidad-alimentara](http://admin.ch/suveranidad-alimentara)

# §

# Text da votaziun

## Conclus federal davart l'iniziativa dal pievel «Per la suveranitad alimentara. L'agricultura pertutga nus tuts» dals 16 da mars 2018

*L'Assamblea federala da la Confederazion svizra,*

sa basond sin l'artitgel 139 alinea 5 da la Constituzion federala<sup>1</sup>, suenter avair examinà l'iniziativa dal pievel<sup>2</sup> ch'è vegnida inoltrada ils 30 da mars 2016 «Per la suveranitad alimentara. L'agricultura pertutga nus tuts», suenter avair gi invista da la missiva dal Cussegl federal dals 15 da favrer 2017<sup>3</sup>, *concluda:*

### Art. 1

<sup>1</sup> L'iniziativa dal pievel dals 30 da mars 2016 «Per la suveranitad alimentara. L'agricultura pertutga nus tuts» è valaivla e vegn puttamessa a la votaziun dal pievel e dals chantuns.

<sup>2</sup> L'iniziativa ha il suandard text:

La Constituzion federala vegn midada sco suonda:

#### *Art. 104c<sup>4</sup>      Suveranitad alimentara*

<sup>1</sup> Per realisar la suveranitad alimentara promova la Confederazion in'agricultura purila indigena ch'è rentabla e multifara, che producescha victualias saunas e che tegna quint da las aspectativas socialas ed ecologicas da la populazion.

<sup>2</sup> Ella garantescha in provediment cun victualias e cun pavel che derivan per gronda part da la Svizra e guarda che las resursas naturalas vegnian schanegiadas tar lur producziun.

<sup>3</sup> Ella prenda mesiras efficazias cun la finamira:

- a. d'augmentar il dumber da las personas che lavura en l'agricultura e da promover la varietad da las structuras;
- b. da mantegnair las surfatschas cultivadas, numnadaman las surfatschas cun culturas alternantas, e quai tant areguard lur dimensiu sco er areguard lur qualitat;

<sup>1</sup> CS 101

<sup>2</sup> Fegl uffizial federal 2016 3725

<sup>3</sup> Fegl uffizial federal 2017 1611

<sup>4</sup> Il numer definitiv da quest artitgel vegn fixà da la Chanzlia federala suenter la votaziun dal pievel; en quest connex coordinescha ella la numeraziun cun las ulteriuras disposiziuns vertentas da la Constituzion federala e fa las adattaziuns necessarias en tut il text da l'iniziativa.

## §

- c. da garantir a las puras ed als purs l'utilisaziun, la multiplicazion, il barat e la commerzialisaziun da semenza.

<sup>4</sup> Ella scumonda da duvrar en l'agricultura organissem modifitgads geneticamain sco er plantas ed animals ch'en vegnids creads cun agid da novas tecnologias, cun las qualas il genom vegn midà en moda betg naturala u vegn cumponì da nov.

<sup>5</sup> Ella ha cunzunt las suandantas incumbensas:

- a. Ella sustegna la creaziun d'organisaziuns purilas che han l'intent da garantir che la purschida da vart da las puras e dals purs ed ils basegns da la populaziun èn accordadis in cun l'auter.
- b. Ella garantescha la transparenza sin il martgà e s'engascha che pretschs gists vegnian fixads en tut las branschas e chadainas da producziun.
- c. Ella rinforza il commerzi direct tranter las puras ed ils purs e las consumetas ed ils consuments sco er las structuras regionalas d'elavuraziun, da deposit e da commerzialisaziun.

<sup>6</sup> Ella dat in'attenziun speziala a las cundiziuns da lavour da las persunas emploiadis en l'agricultura e guarda che questas cundiziuns sajan las medemas en tut la Svizra.

<sup>7</sup> Per mantegnair e per promover la producziun indigena incassescha ella dazis sin l'import da products agriculs e da victualias e regulescha lur quantitat importada.

<sup>8</sup> Per promover ina producziun sut cundiziuns socialas ed ecologicas che correspundan a las normas svizras incassescha ella dazis sin l'import da products agriculs e da victualias che na correspundan betg a questas normas; ella po scumandar lur import.

<sup>9</sup> Ella na paja naginas subvenziuns per l'export da products agriculs e da victualias.

<sup>10</sup> Ella garantescha l'infurmaziun davart las cundiziuns per producir e per elavurar victualias indigenas e victualias importadas e la sensibilisaziun correspundenta. Independentamain da normas internaziunalas po ella fixar atgnas normas da qualitat.

*Art. 197 cifra 12<sup>5</sup>*

### *12. Disposizion transitorica tar l'art. 104c (Suveranitat alimentara)*

Il Cussegli federal suttametta a l'Assamblea federala las disposiziuns legalas ch'en necessarias per realisar l'artitgel 104c il pli tard 2 onns suenter che quel è vegni acceptà dal pievel e dals chantuns.

### **Art. 2**

L'Assamblea federala recumonda al pievel ed als chantuns da refusar questa iniziativa.

<sup>5</sup> La cifra definitiva da questa disposizion transitorica vegn fixada da la Chanzlia federala suenter la votaziun dal pievel.

---

# Gea

Il Cussegl federal ed il parlament recumondan da votar ils 23 da settember 2018 sco suonda:

---

**Conclus federal davart las vias da velo sco er las vias e sendas da viandar (cuntraproposta directa tar l'iniziativa dal pievel «Per la promozion da las vias da velo e da las vias e sendas da viandar [Iniziativa per il velo]» ch'è vegnida retratga)**

---

# Na

**Iniziativa dal pievel «Per vuctualias saunas sco er producidas en moda ecologica e faira (Iniziativa da fair-food)»**

---

# Na

**Iniziativa dal pievel «Per la suveranitad alimentara. L'agricultura pertutga nus tuts»**

---